

Na osnovu tačke 3.2 i 5. Odluke o državnom doprinosu za korištenje radio-frekvencijskog spektra («Sl. glasnik BiH», broj 30/01), čl. 61. stav 2. i 99. st. 1. i 3. Zakona o upravi («Sl. glasnik BiH», broj 32/02) i Uputstva o prikupljanju prihoda po osnovu korištenja radio-frekvencijskog spektra, broj: 01-ST4-50-1508/05 od 10.05.2005. godine, Ministarstvo finansija i trezora Bosne i Hercegovine, po prethodnoj saglasnosti generalnog direktora Regulatorne agencije za komunikacije (RAK), donosi

I N S T R U K C I J U **o naplati državnog doprinosa**

I

Ovom Instrukcijom bliže se uređuje postupak naplate državnog doprinosa za korištenje radio-frekvencijskog spektra (u daljem tekstu: državni doprinos) od strane Regulatorne agencije za komunikacije (u daljem tekstu: RAK).

II

Obavezi plaćanja državnog doprinosa podliježu svi korisnici radio-frekvencijskog spektra, neovisno od toga da li su nosioci dozvole RAK. Od plaćanja naknade izuzeta su pravna lica iz tačke I.b) Uputstva o prikupljanju prihoda po osnovu korištenja radio-frekvencijskog spektra.

III

U skladu sa tačkom 3. Odluke o državnom doprinosu za korištenje radio-frekvencijskog spektra (u daljem tekstu: Odluka) obračun godišnjeg iznosa državnog doprinosa za svakog pojedinačnog korisnika vrši se za period korištenja radio frekvencijskog spektra na način propisan tačkom 1., prema kriterijima propisanim tačkom 2. Odluke.

IV

RAK će korisnicima iz tačke II ove Instrukcije ispostavljati fakture za plaćanje državnog doprinosa i zajedno sa Ministarstvom finansija i trezora pratiti realizaciju naplate.

RAK može donositi upravne akte neophodne za pokretanje i vođenje sudskih postupaka protiv korisnika koji nisu platili dospjela dugovanja po ovom osnovu.

V

Evidentiranje i praćenje potraživanja po osnovu državnog doprinosa vodit će se u glavnoj knjizi RAK po istom principu kao i za račune po osnovu naknada za dozvole, s tim da će se zadužiti konto 1311114- potraživanja za fakturisane državne doprinose uz odobravanje konta 391294- razgraničeni prihodi od državnih doprinosa.

Plaćanje od strane korisnika po primljenom izvodu knjižiti u glavnoj knjizi RAK na dugovnoj strani konta 391294 i potražnoj strani konta 131114.

VI

U glavnoj knjizi Ministarstva finansija i trezora evidentirati će se knjiženje naplate svih prihoda u korist konta klase 7 uz zaduženje žiro-računa.

Usaglašavanje i savnjenje naplativosti ovih potraživanja vršit će se između Ministarstva finansija i trezora i RAK dva puta godišnje, sa 30.06. i 31.12. tekuće godine.

VII

Uplata finansijskih sredstava iz tačke I ove Instrukcije vršice se na namjenski račun kod Raiffeisen Bank d.d. Sarajevo – naziv računa: J.R.T. – Trezor BiH – Naknada za korištenje spektra frekvencija, broj računa: 1610000010750230; vrsta prihoda: 712111; budžetska organizacija: 0704999; poziv na broj: 0000000000.

VIII

Prikupljena sredstva na računu iz tačke VII. ove Instrukcije prenosiće se na depozitni budžetski račun kod Centralne banke BiH, broj: 000 003 00000001 45, poziv na broj: 37111.

IX

Finansijska sredstva ostvarena naplatom državnog doprinosa predstavljaju izvorne prihode budžeta institucija Bosne i Hercegovine. Namjena ovih sredstava utvrđuje se u okviru rashodne strane budžeta institucija Bosne i Hercegovine.

X

Ova Instrukcija stupa na snagu danom donošenja.

Broj: 01-St4-16-2362/06
28 jula/srpnja 2006. godine
Sarajevo



MINSTAR

Marić Marić